



DESGRACIA SERIO DI AVION NA BRASIL

RIO DE JANEIRO, 22 agosto — Un avion jet DC-8 di e compania brasilenjo di aviacion „Panair do Brasil“ cu 101 persona a bordo ayera noch ora cu e tabata bai lanta for di e aeropuerto Galeo pega cu Rio de Janeiro a cai den e bahia Guanabara, door di cual por lo menos 13 hende a muri.

Entre pasaheronan ta figura delegadonan di Union Sovietica cu a cabi di participa na un congreso medico na Rio de Janeiro. Entre e victimanan tin un Ruso. Tambe e embahador brasilenjo na Ginebra, prof. dr. Josue de Castro tabata a bordo di e avion, pero el a sali ileso di e desgracia. E aparato a keda drief basta tempu pa duna mayoria di esnan cu tabata a bordo, ocasion pa sali for di e cabina y subi asina riba e alanan di e aparato. For di eynan nan a worde salba cu botonan salbadora.

E avion no a lanta for di suela. Segun testimonio ocular e desgracia a worde causa door cu un tife di e avion a rementa despues cu e aparato ya tabatin un velocidad hopi considerable.

El a cuminsa zwaai riba e pista. E piloto a trata ainda na domina e avion, pero e no por a logra ya cu e avion tabata na fin di e pista di aterizaje. E avion a sigi corre. Dal den un pomp di gasolin, loke a causa cu el a perde un motor. Door di chispanan di candela e avion a cende na candela, pero el a sigi corre. kibra un muralla pa despues baha na awa.

„BARLOW“ A BAI Y TA SER REEMPLAZA

ORANJESTAD, 22 aug. — E draga grandi „Barlow“ di „Atlantic Gulf & Pacific Company“ cu tabata asina tantu luna un monumentu di confianza den territorio di haf y lagun entre Oranjestad y Barcadera, a sigui su destino diavieses u.p. El a sigi awor pa Grand Bahama's na unda AGPC a contrata un trabao cu por ser haci mehor pa e draga aqui. Na luga di „Barlow“ lo yega denter di algun siman un otro cutter zuiger, probablemente un aind mas grandi cu esun cu a bai. Captain Floyd F. Reid, supervisor di AGPC pa e trabao di Aruba, ta ainda na Aruba. E trabao contrata pa AGPC pa jenamento di un camina prolonga di aterizaje di un aeropuerto, lo termina segun experionan denter di e termino consulta cu „BC“. Door di a traha continuamente „Barlow“ a logra di hanje na prome luga riba programa di trabao.

Un otro portret di ambos astronautonan „rusiano Nikolaev y Popovitsj“, corto despues di nan aterizaje riba terra, ricibiendo homenage di e pueblo ruso. Ahera e astronautonan a ricibi prensa mundial na Moscu.



E trabaoan di rescate prome tabata bai difcil pa motibu cu tabata scur, pero despues nan a pone dos schijnwerper grandi riba e restunan di e avion cu poco poco tabata bai fondo di lantian.

Hopi militarnan cu tabata di warda na e aeropuerto y civilnan mesora a bula na awa pa duna yudanza.

Esaki tabata e di seis desgracia grandi cu avion cu ta socode na Brasil for di februari di anja 1960 y

TRANSCARIBBEAN TA BAI ARUBA TUR DIA!

ORANJESTAD, 22 aug. — E organo cu tin autorizacion riba territorio di aviacion den Estados Unidos, Civil Aeronautics Board, a duna su consentimiento na un peticion di Trans Caribbean Airways, pa haci un numero ilimita di vuelonan entre San Juan y Aruba, asina nos a lesa den Aviation News Digest di augustus u.p. Te awor TCA tabata bula tres bez pa siman ida y vuelta entre San Juan y Oranjestad.

Sr. Edwin Croes, manager di stacion di TCA na Aruba, a sali pa New York diadomingo u.p. pa conferencia aya na oficina principal respectu e cambianan aqui. Probablemente awe na su regreso lo e por duna demas participacionnan over di CAB su decision. Ahera no tabatin nada oficial ainda na oficina di TCA na prinses Beatrix-vlegveld na Aruba respectu e decision.

ALDO GENERAL-AGENT DI BOAC

ORANJESTAD, 22 aug. — Ultimamente Aldo Travel Bureau na Oranjestad a queda nomibra como general-agent di British Oversea Air Corporation na Aruba. Sr. Albert Raven, director di oficina a bai Caracas ahera, afin di mantene entrecambianan di idea respectu e asunto di agencia general. Lo e regresa diavienes trobe na Aruba.

FERIA DI YMCA TA HABRI DIAVIERNES

SAN NICOLAS, 22 aug. — Dia viernes lo ser inaugura riba terreno di YMCA un feria grandi cu lo ta habri diavienes, diasabra y diadomingo anochi. Diadomingo atardi tin matinee pa muchanan cu weganon especial pa nan.

esun di cuater den e ultimo dies luna nan. Na februari di anja 60, 61 hende a muri ora cu avion a dal den otro durante nan aterizaje.

Segun e ultimo datonan e desgracia cu e avion DC-8 di e compania „Panair do Brasil“ den e bahia di Guanabara a costa bida di 14 persona, esta dies res pasahero y un miembro di tripulacion.

En total tabatin abordo 94 pasahero y un tripulacion di diesun persona. Nan a logra salba 72 pasahero y 10 miembro di e tripulacion.

ARENDY Y TUSHICK YA A PASA RIBA BRUG

ORANJESTAD, 22 aug. — Sres Max y Dick Tushick, apoderadonan di Lions Club Arubano a bai na prome encuentro di kabinet dje distrito E-1 cu a ser teni weekend pasa den Hotel del Lago, a pasa prome cu esaki su inauguracion riba un dje brugnan di mas largu di mundo, Esaki tabata posible, pasobra nan a hanja un vergunning especial pa haci esaki pa medio di gobierno venezolano. Cu mas o menos 300 auto y bao di vigilancia militar, arma cu metrallador, precede pa e inauguracion oficial dje brug di casi 10 kilometer largu aqui over di Lago di Maracaibo, cual un dje dianan aqui lo tuma luga, e viahe a ser haci door di centenares di miembronan asombra di Lions for di Antillas y Venezuela.

Sres Arendy y Tushick, respectivamente president y secretario di Lions Club Arubano, tabata unico representantenan di Aruba cu a bai e conferencia di kabinet aqui.

Sr. Arendy a representa alavez sr. Theo Hese, cu ta un dje diez vice-gobernadoran di e distrito, pero cu tabata impedi pa por a tuma parti. E conferencia tabata esun di mas grandi cu hamas a ser teni y tabatin aya reuni mas di 356 leon y leonas.

E baile di gala riba diasabra noch tabata asisti pa president di Lions International Sr. Curtis Lovell. Gobernador di district E-1 a priminti cu di tercer conferencia di kabinet na februari di otro anja lo ser teni na Aruba, pasobra na e ocasion el e club arubano ta celebra su tercer lustro di inauguracion. Aruba por spera anto bishita di algun cien Lions cu nan esposa.

MINISTRO PETRONIA A BAI SURNAM Y TRINIDAD

ORANJESTAD, 22 aug. — Dialuna ministro E.O. Petronia a bai Surnam afin di asisti aya na un conferencia di Consejo Cultural di Reino. Despuies lo e sigi su viahe pa Trinidad i aya lo e asisti den calidad di representante di gobierno Antillana i miembro di delegacion di reino, e festividadnan di independencia na Trinidad.

Bartell tin plan pa instala television na Aruba

Gerald A. Bartell a proclama dialuna cu el a haci desarollonan den instalacion di un stacion di television na Aruba. El a agrega acerca cu lo e presenta un proyecto di esel na gobierno antillano.

Sr. Bartell a papia pa e Rotary Club local. Teksto di su aplicacion ta conosci door di servicio di informacion na territorio insular di Aruba. Na un conferencia di prensa cu a tuma luga despues sin embargo Sr. Bartell no a duna contesta riba e pregunta cu e stacion di television lo por bini cla prome cu dia 15 di october p.v.

Manera ta conoci, esaki ta e ultimo fecha pa realizacion dje proyecto Aruba respectu e concesion cu a ser concedi na grupo Bartell pa TeleAruba.

„Nos a bini claramente aqui pa demonstra nos empenjo na construcion

i explotacion di un television riba e isla aqui.

Nos discusionnan cu e interesadonan tabata promete hopi. Bo bastuur insular a duna nos asina completo i eficaz posible su cooperacion. Nos ta awor na alance pa aprobacion di gobierno central na ofrece un plan pa television riba e isla aqui, tambe un schema di tempo cu ta permiti den un proyec to cu mester ser realiza pa cumenzamentu di actividad di television. Ta di spera cu pronto nos plannan lo ser aproba i lo nos ta na alance di pone man na obra.“ asina Sr. Bartell a bisa.

El a agrega acerca cu e experiencia cu TeleCuracao a ofrece perspetivanan masha favorable pa TeleAruba. Pa ambos stacion lo e ofrece un proyec to, pa capital local lo por ser atrae.

Vice premier Korthals a yega Antillanan Neerlandes



Cu avion Viasa for di New York a yega Corsou dialuna noch premier hntandes drs. H. A. Korthals.

Sr. Korthals a baha den compania di su chief di kabinet drs. A. Jankers. Pa jume bonbini nos a mira na aeropuerto e.a.: Gobernador interino di Antillanan Neerlandes, mr. A. P. J. van Buggen y ministro presidente E. Jonckheer.

Corto despues di su yegada drs. Korthals a bisa cu ta basta tem pasa cu e tabatin contacto cu gobierno d' Antillanan Neerlandes. „Naturalmente cu tin un y otro di discuti“. E viaje a ser cuifirna definitivamente ora cu morto di gobernador interino sr. Chr. Winkler G.A.M. a ser publica.

„Ta di comprende“, asina sr. Korthals a bisa, „cu morto di sr. Winkler a haci e consulta di ambos gobierno ainda mas urgente.“ Sr. Korthals a expresa su gran aprecio y elogio pa e manera cientifico cu sr. Winkler a sabi di ocupa e puesto di gobernador.

„Pa su trabao mi tin masha aprecio y mi por sigira bo cu su des- aparicion ta nifica un perdida particularmente grandi, tanto pa Antillanan Neerlandes como pa henter reino“.

Riba e portret nos ta mira di r.p.d. premier Jonckheer, mr. A. P. J. van Buggen y vice premier Korthals.

ODUBER & KAN INC.

tambe

Servicio rapido pa tur trabou di fotografia

OCHO DEBUTANTE NA CLUB TIVOLI

ORANJESTAD, 22 aug. — E anja aqui atrobe a ser teni un baile di debutantenan den Tivoli. Esaki a tuma luga diasabra noch ora cu ocho yiu muhe foi circulo Tivoli a ser introduci.

Tabata e damanan Vivian Lampe, Glenda Maureen Diaz, Carla Maria Arends, Madeleine Arends, Glenda Maria Eman, Miriam Bruin, Maria Leonata Bruin i Cornelia Josefine Oduber.

E ochonan aqui, despues di a ser presenta bao di direccion di Sra. Stella van der Ree, a bala un menuet. Despues nan a balia un wals cu nan tatanan. Tabata un fiesta existoso na Tivoli.

BC ta propone:

Cambio di G.L.O.B. na M.U.L.O.-onderbouw

ORANJESTAD, 22 aug. — Den un carta di dia 21 di juli u.p. BC ta haci e proposicion na miembronan di Raad pa cambia GLOB publico na MULO-onderbouwscholen. E carta cu e colegio a skirbi ta lesa asina: Den nos proposicion di dia 14 di maart 1959 respectu e programa di construcion di schoolnan 1959 nos ta observa e.m.:

Listo nos ta di opinion en relacion i pa alivio dje falyo di espacio di school, na prepara siguiente medidanan i ofrece esaki na ministro di en- senjanza i Desarrollo Popular pa estudio:

- Igualizacion dje schoolnan di GLOB (anjanan di ensenjanza 1 te 6 of 7) cu e schoolnan di MULO-onderbouw (anjanan di ensenjanza di 1 te 6);
- Estipulacion di e edad di ad- mision pa di prome anja escolar nan seis anja;
- Reduccion di edad di ad- mision pa huishoudschoolnan di 14 na 13 anja.

Aclaracion

Ad. A. E igualizacion manera ta menciona aqui riba ta un deseo cu ta existi ya ta anjanan.

E diferencia den schoolnan di GLOB, anjanan escolar di 1 te na 6 of 7 anja i MULO-onderbouw, anjanan escolar di 1 te 6, ta pone di un banda autori- dad i direcciona di school continua- mente den dificultadnan cu e.o. e pro- vision di personal i tin di otro banda un abundancia e.o. consecuen- cia di discipulonan foi buitendis rietnan pa schoolnan di MULO na ciudad.

Aya ta bini ainda acerca cu ad- mision di edad pa schoolnan di MULO ta 5 anja i mei, pero pa schoolnan di GLOB e edad ta seis anja. Hori- majornan, huntu cu nan tambe e ma- jornan di buitendistrictnan, ta duna pre- ferencia pa manda nan yunan na schoolnan di MULO. E posibilidad di co- locacion na e schoolnan ta ser des- favorablemente influencia, mientas enfrente di schoolnan di GLOB (den bui endistrictnan como regla aindi ta ofrece suficiente espacio di coloca- cion. Esaki ta guia na situacion no- desea. Mester empenja pa e motibu ei na un igualizacion di schoolnan di GLOB cu onderbouw di MULO. Nan ta pensando riba e medidanan nece- sario.

E edad di ad- mision menciona aqui bao di B pa e prome anja escolar na schoolnan di gewoon. Lager Onder- wijs a ser estipula pa 6 anja pa orde-


derwijs uniforme ta un cos cu ta di elogia.

Un condicion necesario pa institu- cion di un lager onderwijs uniforme ta e abolicion dje conocido sis- ema di rango di personal docente i che- cacion di un plan uniforme di en- senjanza pa schoolnan di lager onderwijs.

E asuntunan aqui tin actualmen- te nos atencion i nos ta spera den corto tempo na tuma e medidanan nece- sario.

Resumando nos por propone bo desde 1 di september 1962 na cambia siguiente schoolnan publico di GLOB na schoolnan onderbouw di MULO, esta: Prinses Margrietschool na Oran- jes, Prinses Ireneschool na San Ni- colas, Prinses Marijkeschool na San Nicolas i Prinses Wilhelminaschool na San Nicolas.

Respectu e schoolnan particular ta ser observa, cu ta nos intencion na acerca directiva di schoolnan, pa e caso di igualizacion dje schoolnan cu e simpli- ca di largu esqui tuma luga na e sistema gradual.



Nos ta mira aqui hoofdinspecteur Kib- belaar durante su discurso di despedida.



Aqui inspector Nelissen ta entrega Sra. Kibbelaar un bu- nita boshi di flor durante e encuentro di despedida for di cuerpo di policia na Aruba dialuna tardi na ocasion di partida di hoofdinspecteur A. E. Kibbelaar.



PLYMOUTH A BIRA SUBCAMPEON CLASE A

(Di nos redactor Deportivo)

Dialuna anochi ariba tereno di Aruba Jrs. a worde hunga e ultimo partido di e temporada di basketball di aña 1962 entre Plymouth y R.C.A. equiponan di clase A cu mester a disputa e titulo di subcampeon.

Hungando un basketball mihor controla y cu shooting mucho mas sigur, Plymouth a obtene un triunfo cu score di 47 pa 30. Na halftime e equipo di San Nicolas tabata lta ventaha cuba di 20 pa 14.

Como mihor anotador di Plymouth a termina Boy Marchena cu un total di 13 punto, mientras cu Steve Alexander tabata mihor di R.C.A. cu 16 puntos. Plymouth asina a bira subcampeon den e clase A.

Maria Diaz a entrega copan

Despues di e partido, door di e secretario di Aruba Basketball Bond Frere Theodoris, un discurso a worde tene den cual el a gradici tur cu den un forma di otro a yuda na realisa e campeonato di basketball 1962. La fin cu e campeonato no a atrae e cantidad di publico manera campeonato anterior, loke naturalmente a afecta e entrada di A.B.B. hopi.

Ariba suplica di e secretario di A.B.B., Srta. Maria Diaz, Reina di Deporte luego a haci entrega di e diferente copan na e representante presente.

Como campeon clase A Don Bosco a ricibi un copa don dor di Elmar, como subcampeon clase A Plymouth a ricibi un copa don dor di Heineken.

Como campeon clase B, Plymouth a ricibi un copa don dor di N. Habibe Jr. y como subcampeon Aruba Jrs. a ricibi un copa don dor di La Venezuela.

Como campeon di damas, Aruba Jrs. a ricibi un copa don dor di Coca Cola, mientras cu Arend Colony Club a ricibi como subcampeon e copa don dor di Pepsi Cola.

Pa juniornan tabata tin un solo copa gana door di Don Bosco como campeon y cual a worde don dor di Amstel.

WINSTON Y ESTRELLA A EMPATA NA 4 CARRERA

(Di nos redactor Deportivo)

Den un interesante partido di basketball clase A, hunga dialuna anochi den Lago Sport Park, e equiponan precedente for di Sta. Cruz, Winston y Estrella, a keda empata na cuatro carrera pa banda. Tres extra-inngs cu por a worde hunga promer cu e limite di tempo yega na e trece cambio den e score. Winston tabata tin 8 hit coneta y 5 error cometi, mientras cu Estrella tabata tin 10 hit coneta y 6 error cometi.

Tur e diezdos inningnan a lanza pa Estrella, M. Maduro. Winston cu cambio a usa tres pitcher. A cuninda y zurdo Colai Carolina, kende den e septimo despues di worde golpea door di un line-drive a worde releva door di Ale Angela. Den inning number 11, e estelar Yonke Albertz a bin lanza pa e novena cigarillo. E partido lo mester worde hunga completamente di nobo.

REUNION GENERAL DI ARUBA BASKETBALL BOND

(Di nos redactor Deportivo)

Pa awe nochi den oficina di muestronan di St. Dominicuscollege, a worde yama un reunion general di Aruba Basketball Bond. E reunion ta stipula pa cuminsa 7.30 y lo tin entre otro riba agenda eleccion di algun miembro nobo di directiva, ya cu mester nos a yega di informa caba algun miembro di directiva mester a pidi nan retiro.

CONFERENCIA DI DESARME NA GINEBRA

GINEBRA — Gran Britania y Union Sovietica, cu tin e presidencia di e conferencia di 17 paisnan tocante desarme na Ginebra, a ordena cu nan lo suspende e conferencia for di prome di september te 12 di agosto, pasobra den e tempo aki e Asamblea General di Naciones Uni lo reuni. E portavoz britanico a anuncia alora, cu e conferencia di kestionnan aki te ainda no a tuma ningun decision.

GRADICIMIENTO

Pa medio di esaki nos ta gradici profundamente tur e personal di San Pedro Hospital y muy en especial Zuster Ruberta pa e cuidero y trato bondadoso duna na nos querida e invidable mama y esposa HIGINIA durante su enfermedad y na ora di su ultimo suspiro. Tambe un palabra di gradicimento ta bai na tur esnan cu di un of otro manera a companja nos durante nos tristeza y na ora di entiero.

Cu Dios duna su alma sosiego eterno.

Na number di su esposo Diego Boekhoudt y su diez jioanan.



LAGA REDDY HACIELE PA BO!

Senjora; Bo sabi cu Reddy Kilowatt gustosamente kier haci tur trabou fastioso pa bo. Lagué mansa bo harinja di pan, cushina bo cuminda, polish bo vloernan, stof bo tapijtnan, roaster bo pan y diferente otro E TA HACIELE CU SMAAK.



Cumpleanjo

Awe ta celebra su prome aña di feliz existencia Rosemio Albertina Croes. Felicitacion ta bin di su tata y mama Ismael y Brigida Croes. Tambe e ta ricibi felicitacion pa parti di su welo y welanan Agustin Jansen, Bertha Jansen, Maria Croes y muy especialmente di su papi Vera Geerman y tambe di su tania Lydia Jansen.

Awe ta cumpli 4 aña di hobeñito Anthony Marcus Geerman. Felicitacion ta bin di parti di su tata Padu, mama Agnes, rumannan Luit y Evelyn, wela Theresia Kelly, Bernardina Geerman, welo Janille, padriño Leon Kock, madrina Barbara Young, tania y omanan, prima y primonan y muy especialmente di tania Chepa na Hulanda.

Di 20 a cumpli 4 aña di feliz existencia Jane Esther y e ta ricibi felicitacion di su mama y tata Aura y Cobi Lampe, di su cuater rumanan, di su welanan Mada y Buchi Lampe, di su tianan y tianan Rey y Nico, Betty y Aida Lampe y di demas familia Lampe, Werleman y Dirks.

WAARSCHUWING

De commandant van de marinierskazerne „Savanna“ Aruba, maakt bekend dat op 23 en 24 augustus van 07.00 - 16.00 uur en op 25 augustus 1962 van 07.00-10.00 uur, gevechtsschietoefeningen zullen worden gehouden op Californië (Aruba).

Het gevaarlijke gebied zal worden afgezet door rode vlaggen en waarschuwingsborden.

Het gevaarlijke zeegebied bedraagt 2000 meter vanuit de kust.

BACKACHE AND RHEUMATISM PAIN

After 35 years, many women and men are made miserable by common primary disorders. Waste, impurities and bacteria often irritate the delicate passages from the kidneys. Then you can feel tired, old, nervous and suffer from rheumatic pains, such as backache, aches around joints, sciatica or neuralgia. For these troubles, thousands are finding joyous fast help with the urinary antiseptic and pain relieving action of CYSTEX. Then kidneys act well, pain no longer is refreshing. You feel younger and stronger. Get CYSTEX from your druggist today and see how refreshed you feel.

Amor seondi ta tempo perdi

por: TUYUCHI
presenta pa cortesia di
HOLLANDSE BANKETBAKKERIJ
Oranjestad tel. 2798 — San Nicolas tel. 5478

E mehor adres pa Polo y tur clase di pasa-boca.

Diariamente fresco.

— No. 8 —

„Tasina severo bo tata ta auto?“
„Mi amigu...“ Marcela a expresa cu un gesto.

Pero su risa no a resona mucho contento.

E hoben a comprende cu e homber aqul lo tabata un tata hopi severo si masha consideracion pa cu su yunan i cu tabata dedica su nres mas tantu na beneficio di su produccion cu di su yunan.

E ora ei Hubert a bisa:
„Pues, largu mi no tene bo mucho mas aqul cu ta necesario, parce mi no ta desea tampoco di mester bira onemigui enenual di bo papa. Mi no ta desea tampoco pa e mester amonesto bo pa mi motibu.“

E mucha muhe a tanta siend tras di stuurwiel. Nan a primi man di otro. Nan a tene man di otro mas duru cu sa ta custumber i nan a queda cu e mannan mas tantu tene den otro.

Hubert tabata prefera di a tene of sigui tene su man oranan largu mes.

„Bueno; hasta la vista auto, Srta. Marcela“, el a bisa porfin, ora cu e mucha muhe a los su man, „pasobra quizas su suerte, destino of casualidad por trece nos hunu ‘trobe, a ta ‘sina?“

„Mester ta solamente casualidad cu por trece nos hunu“, el a puntra harioendo. „Si acaso ta berdad cu lo bo queda algun dia aqul banda, anto lo no ta mucho mester pa bo pasa un dia cuminda nos na Quinta Azul Maske cu reserva i corto mi tata ta, toch lo e ta curioso pa sabi que a para di su patient i cu bo a queda bon.“

„Lo ta pa mi un gran honor si mi por considera e aqul como un invitacion, Senjorita Marcela.“

„Ese! ta solamente un sugestion“, el a bisa.

AGENDA

Imprimi na N.V. Drukkerij „De Stad“
Theatersstraat 11 - Willemstad
Edicion suelta obtenible na 20 cent na:
Union Store, San Nicolas - Bookhandel
Mariska, Oranjestad - y Cabana Shop

Edita pa:
N.V. ARUBAANSE DRUKKERIJ - EN
UITGEVER - EN PUBLICITEITS M.I.
Nassaustraat 85 - Oranjestad - y Cabana Shop

ARUBAANSE COURANT
diariamente cu excepcion di
diadomingo.
Suscripcion i 3.25 paga adelante
Edicion suelta 20 ct.

Telefon 2116 Redaccion y suscripcion
1116 Directiva y anuncio
Directeur-hoofdredacteur: D. Wolff

WIT-GELE KRUIS

Oranjestad: Zr. Ewaldia,
San Nicolas: Zr. Perpetua
Santa Cruz: Zr. Luchie
Hospitaal San Pedro di Verona tel. 2200

PARTERA

Zr. Th. E. Gibbs, J.G. Emastraat 72
Oranjestad, tel. 1355.

BOTICANAN DI WARDA
Oranjestad: BOTICA OUBER tel. 1780
San Nicolas: BOTICA CENTRAL tel. 5006

POSTSLUITINGEN

Woensdag

Angelito — Antilla — Argentina
— Bolivia — Bonaire 3.00, Brazilia
— Br. Guiana 15.30, Canada 8.00, Ca-
— Zone — Chile — COLOMBIA:
Baranquilla 15.30, Bogota 15.30, Costa
Rica — Cuba — Curacao 8.00-16.00,
Ecuador — El Salvador — EUROPA
(Azis-Afrika) — Fr. Guiana — Gua-
deloupe — Guatemala — Haiti —
Honduras — Ir. Honduras — Ja-
maica 10.00, Martinique — Mexico
10.00, Montserrat — U.S.A.: Miami Fla.
10.00, (Azis-Afrika-Australia) New York
8.00, New Orleans La. 9.00, Neviz 16.00,
Nicaragua — Panama — Paraguay
— Peru — Puerto Rico — Rep.
Dominicana — St. Kitts 16.00, St.
Maarten enz. 16.00, Suriname 15.30, Tri-
nidad enz. 15.30, Uruguay — VENE-
ZUELA: Caracas enz. 15.30, Maracaibo
15.30, Virginia Eilandan —
Atencion: Cerramento di plezanan certi-
fica ta un ora prome cu di pos.

RADIO KELKBLOOM

Diaron 22 di augustus 1962

8.00 Opening
8.02 Seleccion Musical cu disonan Latino
8.30 American
9.00 Campicemus Feliz
9.00 Musica Varia
9.30 Melodias Instrumental
10.00 Melodias Instrumental
10.30 Programa di Nici Habibe Jr.
11.00 Musica Norte-Americana
11.15 Musica Antillana
11.30 Musica Varia
12.05 Sultana Local na papiamento
12.30 Musica Europeo
12.30 Nieuws in het Nederlands (Hartog)
12.45 Musica Norte-Americana
12.55 Nieuws in a Nishell (Viana)
1.05 Musica Vario
1.30 Un ora cu boleros
1.50 Musica Vario
2.30 Melodias Instrumental
3.00 Programa cu Cha-Cha-Cha
3.15 Programa di La Esperanza
3.40 Musica cu Sabor Africa
4.30 Sultana Local na papiamento,
(Pais-Deportivo)
4.45 Cocktail Musical
5.00 Danzicos Cubanos
5.15 Musica Vario
5.30 Musica Tropical
6.30 Sultana Deportivo (Gillette)
6.15 Tulpas
6.50 Dinner music
7.00 Musica International na papiamento
(Schiz)
7.15 Musica Europeo
7.45 Nieuws in het Nederlands (Hartog)
8.00 Musica Norte-Americana
8.15 Novela (Estrellita)
8.30 Musica Vario
10.00 Clausura

RADIO VICTORIA

Diaron 22 di augustus 1962

8.00 Apertura
9.00 Ultimas Noticias
9.15 E Bijbel Habri
9.30 E Mundo Femenino

9.45 Canticum di Evangelio
10.00 World News
10.15 Home of the Day
10.15 Radio Revival
10.45 Sacred Classics
11.00 Stories of Great Christians
11.15 Novela
11.30 Melodias di Meridia
12.30 Ultimas Noticias
12.05 Texasturniture store ta presenta
Noticias Local y Internacional
12.15 Musica Salsa
12.20 Interneto musical
12.30 World News
12.35 Quiet Time
1.00 Radio Concert Hall
2.00 Reading Room
2.15 Songs of Zion
2.30 Quiet Hour
2.45 Esquemas Musicales
3.15 Cafe Con Musica
3.30 Escos Del Cielo
4.00 Musica di Banda
4.15 Ultimas Noticias
4.30 E Ora Adventura
4.45 Noticias Espanol
5.00 La Hora Nazarena
5.15 Palabranza di Biblia
5.30 Musica Para La Cena
6.00 Ultimas Noticias
6.30 Bo Presunta Contesta
6.45 Nederlanda Nieuws
7.00 Windows on Holland
7.15 On Waves of Sound
7.30 Victoria Vespers
7.45 Miracles
7.50 World News
8.15 Off the Record
8.30 Back to the Bible
8.50 Musical Gospel
9.30 Light and Life Hour
10.00 World News
10.05 Klassieke Muziek
11.00 Sign Off

RADIO CARACAS TELEVISION

Miercoles 22 de agosto 1962
8.55 Himno Nacional, Presentacion
8.57 Informacion sobre los programas del dia
9.00 Carrusel
9.30 En el Jardin de Infancia
10.00 Senderos de Luz
10.15 Cosas de Mujeres
11.15 Cineo Destinos
11.30 La Perleeta Ana de Casa.
12.00 La C.V.R. TV. Informa a la nacion
12.05 Su Televidio (asi es la Gloria)
12.25 El show de Sotme
1.40 Se necesita una amiga
2.00 Punto y aparte
2.30 Cineo Femenino
3.00 El Estudio de Hector Monteverde
3.30 Verbenia Infantil
4.30 Aventuras de Popeye con Yoyo
5.00 Una pareja en apuros
5.15 La novela romantica
5.30 Las aventuras de Lassie
6.00 El show de Renny
7.30 Busque su marca
8.00 El Observador
8.15 La novela „El amor tiene otro casa“
8.30 Mi trabajo y yo
9.00 La Novela „El Dios Caido“
9.15 Julian Fariña
9.30 Bonanza
10.30 Jeli Noleitas
10.45 En el umbral del misterio
11.00 Cita con la muerte
11.30 Misterio de la ciencia
12.00 Foro 7
12.30 Informacion sobre los programas de
manana
12.40 Marcha oficial, Himno Nacional.
Despedida.

OFERTA ESPECIAL

pa temporada di vacante

- * 10 PICNIC KOEKEN 1.1—
- * 10 KRENTBOLLEN 1.1—
- * 1 SACU DI KOEKEI 0.75
- * 1 CAKE 1.1—
- * 7 KROKCH 1.1—
- * 5 SAUSEISE- BROODJES 1.1—

Ademas compra 10 gebakjes ricibi
2 DI REGALO.

Hollandse Banketbakkerij
(H. HAAKMEESTER-LACLE)

Oranjestad tel. 2798

TA UN PLACER!

Nos ta convenci, cu mas bo ta na altura di e varios servicicion cu nos por dunabo, cu mas oportunidad lo bo duna nos pa sirbibo.

Esey pa nos ta un placer... y sin duda pa bo tambe!

Pa ahorros,
Cuenta corriente y
Preslamos personal



Banco Popular Antillano N. V.

DICK TRACY pa cortesia di: CIGARIA ANTILLANA e cigarita mas preferi

Cu filter y sin filter. Agente: J. H. (Yendi) Croes — Aurora Bar Tel. 1041.



RIP KIRBY pa cortesia di: Jan Bodegom en Co (Aruba) N.V. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE



Nan a bolbe tira piedra riba bus Ruso

Habitantenan di Berlin West, ayera atrobe a ataca un bus Ruso di eheredu cu militanan pa releve y guardia di honor cerca e monumento Ruso di guerra na West Berlin.

Tambe ayera y anteyera tabatin e sorto di incidente aki. E incidente, a tuma lugar ayera, ora cu e bus a drenta e sector Mericano na 28 pasa di 12' or (ora Antillano).

E multitud a kibra tur e glas dje bus. Segun DPA probablemente dos dje militarnan Ruso ta herida.

Testigonan ocular a conta, cu e bus tabata ekipa cu un transmisor di radio y cu un dje ocupantenan no papia door di un microfoon ora cu nan tabata bombardea e bus cu piedra.

Mas di 1500 habitante di Berlin West a ricibi e bus door di gritamentu, ora cu esaki tabata pasa e puesto di frontera na Friedrichstrasse, cu militarnan pa releve y guardia na e monumento Ruso. Un ora adelanta polis di Berlin West a tuma medidanan extenso di precaucion y a hala e multitud atras. Pero, nan no por a evita e habitantenan pa bolbe ataca e bus Ruso, esaki a wordu compania door di ocho auto di polis di Berlin West pa e monumento.

Na Wilhelmstrasse y demonstrantenan di Berlin West a tira piedra riba polis, cu tabata trata di corre cu 800 hoben. Polis a haci usu di klop y a haci tres arrestacion. Algun hoben tabatin borchinan cu e palabranan aki: "Polis ta proteha rusonan — esaki ta un escandalo". Despues a yega otronan en leman manera: "Cuanto vietnamita mas prome, cu libertad di Alemania Oost y asesinanon pensa riba e dia cu boso lo mester responde."

Na encuentro na e puesto di frontera Charlie, cu polisnan a yama un dje incidentenan di mas serio y violento, nan a herida mas di cinco polis y tres demonstrante. Nan a detene siete persona. E bringamentu a dura 40 minutu.

Ocupantenan di un auto Ruso, cu ta sigi door di auto di Berlin West, a pidi na e caserna Mericano na Berlin West pa un escorte. Y nan a hanja un escorte.

Despues nan a anuncia cu en total 15 polis a hanja herida. 4 Di nan ta gravemente herida.

4Despues dje bringamentu na e puesto di frontera Charlie, e demost-

trantenan a parti den tres grupo, cu despues polis a plananan for di otro door di klop. Despues tabata bastante den e ciudad, segun anuncio di polis. Pero algun demonstrante a trata di forma grupo, pero polis no a duna nan ningun chens.

Polis di Berlin West a anuncia, cu nan mester investiga te ainda informacionnan insuficiente, cu e dos militarnan Ruso a wordu herida door di piedra. Seis glas dje bus a wordu kibra na pida pida.

Despues nan a anuncia, cu tambe na Stresmannstrasse, na mas o menos un kilometer di Friedrichstrasse, West Berlinesnan a ataca un auto militar Ruso. Mas di 100 demonstrante tabata warda ayanan riba regreso dje busnan Ruso. Polis di Berlin West a anuncia, cu e mucha muher di 17 anja, cu diasabra a hui pa Berlin West bao di un llovida di tiro di polis di Alemania Oost, a hanja un shock fuerte, door di cual el a perde su stem.

A resulta tambe cu e mucha a keda ileso, apesar dje llovida di tiro.

Conseho Internacional di Iglesianan tocante comunismo

AMSTERDAM, 22 agosto — E quinto congreso plenario di e conseho internacional di Iglesia a acepta un resolucio tocante comunismo. Den e resolucio e congreso ta rechaza e pretension cu comunismo ta cientifico, progresista y prospero.

CASO DI BROHERA SABI NA INGLATERRA

LONDEN, 22 aug. — E minister ingles pa salubridad publica ayera a participa cu e mucha di tres anja for di India, cu nan a isola diahuebs pasobra nan tabata sospecha cu e ta sufi di brohera sabi, bordinadamente ta sufi di e enfermedad aki.

Diarazon el a yega Inglatera cu e bapor di pasahero "Oronsay". Polis y e servicio pa salubridad publica ta buscando e mas di mil pasaheronan cu tabatin contacto cu e mucha.

Na cuninsamentu di e anja aqui tres biha tabatin e enfermedad aqui, cualnan tur hunta a costa bida di 25 persona.

MEDIDA DI ALEMANIA OCCIDENTAL

BONN, 22 aug. — Ken cu comete asesinato, herida un persona of kita libertad di un persona, como servidor di e regimen di Alemania Oriental, lo worde hiba dilanti di corte di justicia. Asina e gobierno di Alemania Occidental a participa ayera den un declaracion.

Den e declaracion e gobierno di Alemania Occidental ta pidi tur Alemanan, tanto esnan di Alemania Occidental cu esnan di Alemania Oriental, pa nan haci esfuerso pa yuda busca e asesino di e refugio hoben Peter Fechter, kende diabierna siman pasa ora cu e tabata trata pa hui di Oost na West Berlin a worde mata door di guardia di frontera di Alemania Oriental.

E gobierno di Alemania Occidental ta declara di kier haci tur loke ta posibel pa pone un fin na e situacion insoportable aki.

ROBO DI DOCUMENTO NA INGLATERRA

LONDEN, 22 aug. — Den e ultimo fin di siman nan a horta for di un fabrica den e condado Ingles Hertfordshire, mas di 200 kilo na documento secreto y confidencial.

E documentonan aki tin relacion riba construcion di motornan a reaccion y proyectielnan di guia.

Segun un portavoz di e fabrica e papelnan, fotonan, y schetsnan horta di gran balor pa competidornan, pero e no por calcula na balor pa loke ta seguridad. Servicio Ingles di seguridad y polis ta investigando e caso.

NAN A TIRA RIBA CONSUL NA ARGEL

ARGEL, 22 aug. — E consul Italiano na Argelia ayera a sufi heridonan leve, ora cu un militar Argelino a tira riba su auto.

E incidente a socede na un barricada den caminda den cercania di e capital Argelino.

Un di e militarnan Argelino, cu tabata tene warda na e barricada, a duna e chofer un senjal cu e por sigi corre. Un otro militar cu no a mira esaki a tira riba e auto.

INUNDACION NA INDIA

CALCUTTA, 22 aug. — Pa di dos biha den dos luna tin territorionan grandi den parti oost di India bao di awa. Na Assam tin seis distrito inunda door di e rio Brahmaputra y e rinan mas chiqui cu ta sali for di esey. Na Bihar awa a laba 3000 cas bai cune. Miles di hende mester keda den tent. Te awor aki tin seis morto.



Tabata reina gran alegria na e capital ruso Moscu, ora cu nan a tende e gran noticia di aterizaje seguro dje ohechinan-cosmonauta Popovitsj y Nikolajev.

TREIN A SALI FOR DI RIEL

Banda di Waseka den e estado Mericano Illinois ayera cuater wagon di un trein di pasahero a sali for di riel.

Esaki a causa cu dos hende a muri mientras cu tabatin 15 herida.

COMUNISMO NA VIETNAM

SAIGON, 22 aug. — Segun e agencia Sur Vietnam di prensa guerrilleronan comunista siman pasa cu un atake riba un pueblo Sur Vietnam reforsa a perde por lo menos dieciscuater homber.

E agencia di prensa ta anuncia tambe cu e trupanen di gobierno na un operacion siman pasa diaronan y e provincia Zoeyen, a mata 124 guerrillero y a cohe 73 presu, entre cual dos muhe.

CANDELA NA SUR FRANCIA

Mas di 500 bombero militar y voluntariano ayera mainta a domina un candel den mondi banda di Camp de Castellet, na Riviera Frances. Tres mil hectar di terra ta completamente destrui. E lucha contra e candel a dura henter anochi.

MOVIMIENTONAN NA WEST BERLIJN

BERLIN, 22 aug. — En conexcion cu e ultimo sucesonan na West Berlin, e comandante di e trupanen Mericano den e ciudad, tambe na nomber di su coganen Ingles y Frances a manda un nota pa e comandante interino di Rusia, den cual e ta muestra esaki, cu tur e cuater comandantenan militar na Berlin tin como tarca pa haci tur loke cu nan por pa mantene paz y orden den henter Berlin, tambe pafor di e ciudad mes y nan mester trata na evita situacionnan cu por trece consecucionnan grave. E comandantenan di occidente, asina e nota ta bisa, cu un tal situacion actualmente ta desarolla su mes rapidamente. E paz y tranquilidad den e ciudad ta worde trece den peliger door di e tension, cu a worde causa door di e recien incidentenan.

E comandante Mericano, general Watson a invita e comandante interino Ruso pa e haci un bishita na e cuartel central Mericano na West Berlin.

Enviamentu e autoridnan municipal di West Berlin ta spera mas demostracion. Polis di West Berlin a cuminsa traha cordon rond di e post Mericano "Check point Charlie", cu den ultimo fin di siman tabata e escenario principal di e demostracionnan.

Discurso di burge- meester Brandt

Ayera noch tabatin segun calculo mas di 5000 hobenan di West Berlin dilanti di e casa municipal di Schoeneberg, unda burgeemeester Brandt di West Berlin a dirigi palabranan na nan. Continuamente nan tabata in erumpi Brandt, gritando "awor si ta basta". "Nacionnan Uni mester actual". "Actua, actua".

E burgeemeester a bisa cu e no por priminti, cu un accion inmediata ta posibel. Dentro di e limitenan di loke ta posibel nan lo haci tur esfuerso pa hanja medidanan mas mehor di seguridad na e muralla cu ta separa e dos partinan di Berlin. El a bisa e demonstrantenan pa no haci nada cu lo por ta na favor di e comunistanan.

Despues cu nan a canta himno nacional e multitud a plama for di otro. X X X

E burgeemeester di West Berlin a anuncia cu polis lo tuma medidanan fuerte contra esnan cu stroba orden. Enemigonan di occidente ta drumi spera e momento cu nos perde cabez.

Nan kier pa mundo kere cu Berlin ta un cenro di inranquilidad cu mester worde liquida, asina Brandt a bisa.

PRUEBA NUCLEAR DI RUSIA

STOCKHOLM, 22 aug. — E instituto seismologico di Uppsala banda di Stockholm ta anuncia cu Union Sovietica ayera mainta den territorio banda di Novozembla a haci un prueba nuclear nebo den atmosfera. Tabata e di tres prueba Ruso desde cu nan a reanuda nan pruebanan.

Nan ta calcula e forza di e explosion na mas o menos diesdos megaton.

COMLOT DESCUBRI NA JORDANIE

AMMAN — E minister president di Jordania na un conferencia di prensa tene na Amman a anuncia cu nan a descubri un complot contra bida di Rey Hoessein y e autoridnan di Jordania, entre cual e premier mes. Funcionarianan di Jordania a descubri e complot.

Na e conferencia e prome minister no quier a duna mas informacion di e complot. Si el a acusa president Nasser di Egipto di conspiracion y el a bisa cu e sistema di e president di Egipto ta contra di e principianan arabe e islamita.

KATANGA Y KONGO

LEOPOLDSTAD — Ayera na Leopoldstad a worde informa di fuentefideltad cu awor e bringamentonan cu tabatin na cuninsamentu di e siman aki entre trupanen di Katanga y di e gobierno central di Kongo a fria un poco.

Nan a agrega cu mas o menos 350 homber di Marcehausse di Katanga a saca trupanen congoles for di posicionnan na Albertstad.

Nacionnan Uni parece ta tumando medidanan pa reforsa su trupanen den Noord Katanga, cu e fi ndi yuda e militarnan congoles eyan, pero na Elisabethstad Nacionnan Uni a informa cu ainda nan no a interveni na Noord Katanga.

AUMENTO DI SALARIO PA MINERONAN SPANJO

MADRID — E minister spanjo nobo di trabao, Romeo Corria, a logra door di intermediacion entre e mineronan y dunadonan di trabao cu nan a firma un acuerdo colectivo nobo di trabao. E acuerdo aki ta provisiona den un aumento di e sheldonan minimo diario pa mineronan cu ta traha riba y hou di terra. Esaki tabata prome biha na Espanja cu e minister di trabao a funcionaria directamente como intermediador.

SELECCIONNAN DI FUTBOL PA SURINAM Y HULANDA

(Di nos redactor Deportivo)

Diabierna awor ta sali pa Surinam un seleccionado Antillano di futbol, cu lo bai competi den e torneo triangular internacional den cual lo compe ademias di e oceano Antillano, Surinam y Guadalupe. E delegacion lo viaha diabierna dia 24 y lo bolbe dia 31 di augustus.

Cemo hefe di e delegacion ta bai S.J. "Tommy" Croes, actual tesoroer di A.V.B. y miembro di directiva di N.A.V.U., mientras cu como entrenador ta bai Mateo Reyes, tambe miembro di directiva di N.A.V.U.

For di Aruba lo bai e siguiente hungadornan: J. Rafni (San Nic. Jrs.), Tuyo Werleman (R.C.A.), Wilfred Sambo (A. Jrs.), Guillermo Trinidad (Dakota), Yonko Alberts (R.C.A.), Evenio Gonzalez (R.C.A.), Dudu Adonis (Dakota) y Nulfo Steba (Dakota).

E dakoteno Geo Guerrero tambe tabata selecciona pa bai, pero debi na cu e tin nacionalidad Dominicana, e no por forma parti di e team di Antillas-Hulandes.

Di Corsow ta bai: F. Bernadina, P. Olario, R. Brooks, R. Pinedo, A. Tromp, A. Pinoza, H. Kerkeboom, N. Filomena y O. Martina.

Pa Hulanda

Dia 31 di augustus lo sali pa Hulanda un otro seleccion di futbol, cu lo haci un gira na Europa hungando diferente wega. For di Aruba tin selecciona cuater hungador, esta Pupy Diaz (Estrella), Juan Rablo (Dakota), Dany Pablo (Dakota) y Jimmy Richardson (Dakota). Ta existi un posibilidad cu e cantidad aki worde aumenta te cinco cu e hungador Boei Brezen di San Nicolas Jrs. Segun informacionnan obteni Boei Brezen ta haciendo un gran papel na Mexico y ta worde nombra como e hungador mas sobresaliente den e actual certamen di futbol di e Weganan Centroamericano y del Caribe.

E delegacion pa Europa ta worde completa cu e siguiente hungadornan for di Corsow: C. Balentin (St. Joris), E. Meulens (Jong Holland), A. Beltrand (Sithoc), R. Cameron (Jong Holland), J. Bodak (Scherpenheuve), J. Bihiana (Sithoc), C. Comenencia (Sithoc), E. "Testing" (Sithoc), R. Brandborg (Jong Holland), Edwin Loran (Scherpenheuve) y D. Gosepa (Scherpenheuve).

E prome wega cu e seleccion aki di Antillas-Hulandes lo hunga ta riba diaronan 5 di september contra di Hulanda.

EXPLOSION DI BOM NA MADRID

BARCELONA, 22 aug. — Tambe na e oficina di e corant independiente "La Vanguardia" na Barcelona un hom a explota ayera. Un homber a sufi heridonan leve. E danjo tabata di poco importancia.



Na Bommel nan a celebra e dia anual di ponny. Punto culminante dje dia aqui tabata e funcion dje club local di ponny, di cual e mucha homber y mucha muhenan tabata bisti na uniform nobo-nobo, cu ta imitacion perfecto dje conocido "gele rijders".

ARIES

21 Maart — 20 April



Awe ta un dia cu aspectonan cambiabile. Na sea abarido pasobra un cos na ta bai manera bo ta desea.

TAURUS

21 April — 20 Mei



E acentonan ta queda resigina riba economia, prefera na logranashinan pausadamente riba esnan rapido.

GEMINI

21 Mei — 20 Jun



Spera te despues di merdia ora cu bo tin di cuminsa algo di importancia. E aspectonan lo ta mehor e ora ei.

CANCER

21 Jun — 22 Juli



Cu vacilacion i timidez bo n'a yega ningun camina. Munstra propio confianza i no stens riba otronan.

LEO

23 Juli — 22 Augustus



Awe bo ta para un poco mas dilanti i no vacila pa bo tuma iniciativa.

VIRGO

23 Augustus — 22 September



Papiando francamente lo bo alcanza algo. Hendenan cu ta para riba bo ta di acuerdo cu bo.

HOROSCOOP DI AWE
Pa cortesia di
BOTICA ARUBA
„Bo botica di confianza“
tel. 1080-1081

LIBRA

23 September — 22 October



Sea dispuesto na munstra tempo i energia na problema di otronan ora cu nan puntra bo pa ayudo.

SCORPIO

23 October — 22 November



Dedica bo atencion na cosnan di mas interesante dje momento aki i no larga ningun hende cambia bo idea.

SAGITARIUS

23 November — 21 December



Tene cuenta cu e dia di awe por trece retrazo of vandanja i esei lo causa bo desenganjo.

CAPRICORNUS

22 December — 19 Januari



Tene na bista bo entrada i gastunan, bo buki i cuantnan financiero. Esakinan lo ta necesario pronto.

ACUARIUS

20 Januari — 18 Februari



Quizas cu awe bo no tin un opinion fijo di e asuntunan i bo ta puntra bo mes ta quico lo bo mester haci.

PISCES

19 Februari — 20 Maart



Merdia bo ta hanja un mehor bista riba trabao i salud. Cuidado pa erronan den loke bo ta come i bebe.

PEPITA

pa cortesia di: **Antillian Hardware Co**
Bo mehor adres pa HERMENT, Y TUR MATERIAL DI CONSTRUCCION!